



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Lemovicen. Episcopo & Abbati S. Eparchij Engolismen.

**urn:nbn:de:hbz:466:1-20006**

\* In Tertia Col-  
leſ. univerſorū

de ferenda ſententia cum viris prudenti-  
bus tractaretis, \* diverſorum inveniftis  
diverſa conſilia, ( quibuſdam dicentibus  
appellationi ſimpliciter deferendū, aliis  
autem appellationi deferendum non eſ-  
ſe; nonnullis etiam aſſerentibus appel-  
lationem nullatenus tenuiſſe, cum mu-  
lier non ſit viro reſtituenda ſuſpecto, niſi  
de impunitate ſufficienti præſtita cau-  
ſione ) vos in tanta varietate nos conſu-  
lere voluiſtis, qualiter eſſet in hoc nego-  
tio procedendum. Nos ergo conſulta-  
tioni veſtræ de fratrum noſtrorum conſi-  
lio taliter reſpondemus, quòd licet ordo  
judiciarius in aliis controverſis obser-  
vandus, in matrimonialibus cauſis non  
uſquequaque ſervetur; quia tamen in  
preſenti negotio non eſt actum de fœde-  
re matrimonij, ſed de crimine adulterij,  
per quod ad ſeparationem conjugum  
non ad conjunctionem intenditur, cum  
lite non conteſtata teſtes fuerint recepti,  
& atteſtationes etiam publicatæ, ſive  
deferendum ſive non deferendum appel-  
lationi fuiſſet, non eſt ad diffinitivam  
ſententiam procedendum; potuit tamen  
præfatus Ca. propter contumaciam ex-  
communicationis vinculo innodari. Da-  
tum Peruſij, XV. Kal. Octobris.

*ZEMOVICEN. EPISCOPO  
& Abbati S. Eparchij Engoliſmen.*

Epift. 363.  
Vt ablata Ec-  
cleſiæ bona de-  
tentione reditus  
reſtituantur.

Veniens ad præſentiam noſtram di-  
lectus filius I. Petragoricens. Deca-  
nus contra. P. de Rocenat. & S. Archi-  
diac. Petragoricens. G. & Ar. Diacon.  
quæſtionem intendit, aſſerens quòd cum  
decanatum ipſius Eccleſiæ per donatio-  
nem dilecti filij noſtri Ior. tr. ſanctæ Pu-  
dentianæ Preſb. Card. tunc in partibus  
illius apoſtolicæ ſedis Legati de aſſenſu  
Epiſcopi & Cap. loci illius canonicè  
fuiſſet adeptus, ipſi redditus & alia bona  
quæ prædeceſſores ipſius Decani per  
XL. annos & ampliùs pacificè tenuerūt,  
in ejus præjudicium detinent occupata,  
& reddere contradicunt, cujus aſſertione  
A. Clericus, qui ex adverſa parte pro-  
curator ad ſedem apoſtolicam fuerat de-  
ſtinatus, inſciabatur omnino, dicens  
quòd ea quæ illi pro quibus venerat poſ-  
ſidebant, nullatenus idem Decanus vel  
prædeceſſores ejus decanatus nomine te-  
nuerunt. Quia igitur ſuper his nobis ve-  
ritas non poterat denudari, de utriusque  
partis aſſenſu diſcretionis veſtræ per apo-  
ſtolica ſcripta mandamus quatenus ſi

præmiſſis veritas ſuffragatur, memora-  
tos Archidiac. & alios prædictorum red-  
dituum detentores ad reſtitutionem il-  
licite detentorum per cenſuram eccle-  
ſiaſticam, ſicut juſtum fuerit, appella-  
tione poſtponita compellatis; audituri  
ſi quid fuerit quæſtionis, & appella-  
tione remota ſine debito decifuri. Teſtes  
autem &c. Nullis literis obſtantibus, ſi  
quæ apparuerint præter aſſenſum par-  
tium à ſede apoſtolica impetratæ. Dat.  
Reat. II. Id. Auguſti.

*ARMACHAN. ET CASSELLEN.  
Archiepiſcopis, & Epiſcopo  
\* Laomen.*

Cum olim D. Clericus ad ſedem  
apoſtolicam de Hiberniæ partibus  
acceſſiſſet, bonæ memoriæ C. Papæ præ-  
deceſſori noſtro diverſas diverſorum  
Prælatorum Hibernien. literas præſen-  
tavit, quibus ſe aſſerebat in Epiſcopum  
fuiſſe Roſcen. electum. Cumque nullus  
appareret qui aliquid proponeret con-  
tra eum, dictus prædeceſſor noſter ei  
per bo. me. A. Albanen. Epiſcopum mu-  
nus fecit conſecrationis impendi, & ad  
ſuam eum remiſit Eccleſiam conſecra-  
tum. Poſtmodum verò dilecti filij Flor.  
& \* E. monachi ad ejuſdem prædeceſſo-  
ris noſtri præſentiam acceſſerunt; quo-  
rum uterque ſe aſſeruit à Canonicis Ec-  
cleſiæ Roſcen. electum. Sed idem F. quòd  
prædictus D. ad eandem Eccleſiam fuiſ-  
ſet apud ſedem apoſtolicam, quam per  
falſas literas circumvenerat, conſecra-  
tus, expoſuit. propter quod idem præ-  
deceſſor noſter cauſam eorum vobis fra-  
tres Caſſelen. & \* Laomen. Epiſcope ſub  
ea forma commiſit, ut de forma & pro-  
ceſſu electionis memorati D. ſolicite  
quæreretis; & ſi eum electum canonicè  
fuiſſe conſtaret, ipſum faceretis pacifica  
poſſeſſione gaudere, alioquin inter præ-  
dictos F. & E. audiretis cauſam, & cujus  
electionem canonicam & magis rationa-  
biliter factam inveniretis, ratione præ-  
via curaretis alterius electioni præferre,  
ac tu frater Caſſellen. alterum eorum,  
quem rationabiliter duceres confirman-  
dum, in Epiſcopum conſecraretis. Verùm  
( ſicut ex literis veſtris accepimus ) cum  
dictæ commiſſionis vobis fuiſſent literæ  
præſentatæ, juxta tenorem earum pri-  
mò de electione prædicti D. inquirere  
voluiſtis. Sed cum à vobis tertio citatus,  
veſtro ſe nolleſt conſpectui præſentare,  
D d iij

\* In Tertia Col-  
leſ. Lavin.  
Epift. 364.  
Quòd in cauſa  
contra Electum  
Roſcenem  
procedant.  
Cap. Cum olim.  
De dolo & con-  
tumacia.

\* In Tertia Col-  
leſ. G.

\* In Tertia Col-  
leſ. Laarenſis.